



# უამრავად ჰელახობთ აკადემია

ყველა მიხსავლემში არის მზე, მოსვარის ჩვენ, მასხვავლებლებმა, შევძლოით მისი სხივებს!

www.klasobana.edu.ge

# კლასობანა



სასკოლო ჟურნალი #1

იანვარი — 2026



## სიახლეები

### განათლების, მეცნიერებისა და ახალგაზრდობის სამინისტრო

„უმაღლესი განათლების სისტემაში მნიშვნელოვანი რეფორმის დაწყება უფუძნება სიღრმისეულ ანალიზს, გრძელვადიან პრაქტიკას და ქვეყნის განვითარების განხორციელებას. ბოლო პერიოდში აკადემიური სახელმწიფო უნივერსიტეტების მიმართულებებისა და ინფრასტრუქტურის შედარებითი ანალიზი. ამ პროცესისა და რექტორებთან წინასწარი კონსულტაციის საფუძველზე მივიღეთ გადაწყვეტილება თბილისის სახელმწიფო უნივერსიტეტისა და საქართველოს ტექნიკური უნივერსიტეტის გაერთიანების შესახებ. ეს იქნება საინდარო, რომ ივანე ჯავახიშვილის სახელობის თბილისის სახელმწიფო უნივერსიტეტი გახდება რეგიონში აკადემიური და სამეცნიერო გაიუმჯობესებს საერთაშორისო რეიტინგებს,“ – აღნიშნულთან დაკავშირებით საქართველოს განათლების, მეცნიერებისა და ახალგაზრდობის მინისტრმა გივი მიქანაძემ სამინისტროში გამართულ ბრიფინგზე განაცხადა.

როგორც გივი მიქანაძემ აღნიშნა, უნივერსიტეტების გაერთიანების მიზნით, მინისტრის ბრძანებით შეიქმნება მართვის დროებითი ორგანო „საბჭო“ და დაინიშნება რექტორისა და რექტორის მოადგილეების მოვალეობის შემსრულებლები, რომლებიც რეორგანიზაციის პროცესის წარმართვას უზრუნველყოფენ. მინისტრის თქმით, უმაღლესი განათლების სისტემის რეფორმის ფარგლებში, დამატებით შეიქმნება წამყვანი პროფესორის აკადემიური თანამდებობა და ამ თანამდებობაზე კონკურსის წესით შერჩეული პირები უზრუნველყოფენ სასწავლო და კვლევითი საქმიანობის სტრატეგიულ ხელმძღვანელობას, ხარისხის ზრდასა და ახალგაზრდა აკადემიური პერსონალის განვითარებას.



„ზაზგასამელია, რომ მიმდინარე რეფორმის ფარგლებში არ იგეგმება აკადემიური კადრების შემცირება. მაქსიმალურად შევინარჩუნებთ აკადემიურ პერსონალს – გავწვდით ძალისხმევას, რომ მათი გამოცდილება და ცოდნა გამოყენებული იყოს როგორც სასწავლო კომპონენტში, ასევე კვლევით და სამეცნიერო საქმიანობაში. მივიღეთ არსებული ადგილების შენარჩუნების გადაწყვეტილება და არ ვამცირებთ სტუდენტთა ჩარიცხვის კვოტებს.“

ჩვენი მიზანია, განათლების სისტემაში გამჭვირვალედ, საზოგადოების ჩართულობით, განხორციელდეს ფუნდამენტური რეფორმები. ამის დადასტურებაა მიზნობრივ ჯგუფებთან, პირდაპირი კომუნიკაციის გზით, რეფორმით გათვალისწინებული საკითხების განხილვა, რასაც ჩვენ მომავალშიც აქტიურად გავაგრძელებთ,“ – აღნიშნა გივი მიქანაძემ

მინისტრმა ზოგადი განათლების სისტემის რეფორმის მნიშვნელობას გაუსვა ხაზი და განაცხადა, რომ ახალი საკანონმდებლო ინიციატივის თანახმად, პირველკლასელთა ასაკი განისაზღვრება 6 წლით, რაც გულისხმობს იმას, რომ ბავშვის პირველ კლასში დარეგისტრირება შესაძლებელი იქნება მხოლოდ იმ შემთხვევაში, თუ მას 15 სექტემბრის ჩათვლით უსრულდება 6 წელი. ცვლილება ამოქმედდება 2026-2027 სასწავლო წლისთვის.

ახალი კონცეფციის თანახმად, სრული ზოგადი განათლება მოიცავს 11 წელს, სისტემაში შენარჩუნდება მე-12 კლასის შესაძლებლობა იმ მოსწავლეებისთვის, რომლებიც ნებაყოფლობით აირჩევენ დამატებითი აკადემიური მზაობის განმტკიცებას წინასწარი რეგისტრაციის საფუძველზე.

საკანონმდებლო ცვლილებების საფუძველზე ზოგადი განათლების საფეხურები განისაზღვრება შემდეგნაირად: 2026-2027 სასწავლო წლიდან დაწყებითი საფეხური – I-VI კლასები, საბაზო საფეხური – VII-IX კლასები, ხოლო საშუალო საფეხური – X-XI კლასები 2027-2028 წლიდან. ამავე სასწავლო წლიდან, მე-11 კლასში იქნება უზრუნველყოფილი სკოლაში ორგანიზებული რეპეტიტორიუმი, რომელიც მოსწავლეს მისცემს შესაძლებლობას სრულფასოვნად მოემზადონ ეროვნული გამოცდებისთვის.


გივი მიქანაძემ ერთი სახელმძღვანელოს პრინციპზე ისაუბრა და აღნიშნა, რომ სახელმწიფო იღებს პასუხისმგებლობას შექმნას ერთ კლასში, ერთ საგანში ერთი სტანდარტული სახელმძღვანელო. ეს პროცესი 2028 წლის სექტემბრისთვის დასრულდება. ამასთან, 2026-2027 სასწავლო წლიდან საჯარო სკოლებში, დაწყებითი საფეხურზე – I-VI კლასებში – სავალდებულო გახდება სასკოლო ფორმა და სკოლებში შემუშავდება ელექტრონული საკომუნიკაციო საშუალებების გამოყენების წესი, რომელიც უზრუნველყოფს სწავლაზე ორიენტირებულ საგანმანათლებლო გარემოს.

წყარო: <https://mes.gov.ge/content.php?id=14454&lang=geo&csrt=8622720979676046573>

# მართალი მასწავლებელი



სიკეთე გადამდებია!



**მართალი მასწავლებელი**  
 მართალი მასწავლებელი არის აღმზრდელი, მომწიფე, ცოდნის ხარვეზი, ახსნა-განმარტებელი, მოტივაციის მძებრი, სახელმწიფო, საზოგადოებრივი ცხოვრების მონაწილე, მოსწავლესთან ერთად მისი სულიერი, სხეულის, სულიერების მზრდელი, მისი განვითარების მხარდელი, მისი ცხოვრების მხარდელი, მისი განვითარების მხარდელი, მისი ცხოვრების მხარდელი...

**მართალი მასწავლებელი**  
 ამ სტატუსით დააჯილდოვეს ქ.თბილისის მე-12 საჯარო სკოლის მასწავლებელი თამუნა ხიზანიშვილი, IV-ბ კლასის მოსწავლეებმა და მშობლებმა. მათ მასწავლებლითვის სპეციალურად შექმნეს მოსწავლეთა ჩანაწერების სამადლობელი წიგნი და საყვარელ მასწავლებელს უსახსოვრეს. ეს არის უნიკალური საჩუქარი და ერთადერთი მთელ მსოფლიოში, რამაც ბედნიერი ცრემლებით აატირა თამუნა მასწავლებელი.  
 „სიკეთე გადამდებია!“-ასე ჰქვია თამუნა მასწავლებლის მიერ დაარსებული პროექტს, რომელიც ყოველწლიურად ხორციელდება 19 დეკემბერს, მე-12 საჯარო სკოლაში. ახლა კი, ამ წიგნით, თითქოს ბუმერანგით დაუბრუნდა უკან თამუნა მასწავლებელს ის სიხარული, მადლი და სიყვარული, რაც კი ამ წლებში უკეთებია მას ბავშვებისთვის და სკოლისთვის. ჩვენი გუნდიც იზიარებს ამ სიხარულს და ულოცავს თამუნა მასწავლებელს დიდი სითბოთი და სიყვარულით მოპოვებულ ჯილდოს!  
 ♥ გ ვ ი ყ ვ ა რ ხ ა რ თ ! ♥



## პატარა დედაჩემია, დიდი კი მისი სამსახური

საბავშვო ბაღი: ბავშვების ტიტინი და ჟრიაშული, სიხარული და სინათლით სავსე თვალები...  
 ხათუნა მასწავლებელი პატარებს ფურცლებსა და ფერად ფანქრებს ურიგებს.  
 --რა კარგია! ხატვის გაკვეთილი იწყება! - ნამოიძახა ერთმა ცისფერთვალა, ტიტინა გოგონამ და ტაში ისე ძლიერად შემოსცხო, რომ მთელი ჯგუფი აიყოლია.  
 ხათუნა მასწავლებელს სახეზე ბედნიერება ღიმილმა გადაუარა და მაგიდებ შორის სიარული დაიწყო



- ბავშვებისთვის ხელოვნების კარის გაღება ჩემთვის ხომ სამყაროს სხვა თვალთა და ნახვის შესაძლებლობაა, აქ თითქოს ფერები, ხმები და ფორმები ახალი ცხოვრების ძალას იძენენ-ღრმა ფიქრმა გაიტაცა მასწავლებელი და ისე დააცქერდა ბავშვების ხელით შესრულებულ ფერთა სიმფონიას, თითოეულ შტრიხსა და ხაზს, თითქოს ეს იყო საკუთარი გრძნობებისა და ფიქრების შემოქმედებითად გამოხატვის, თავისუფლებისკენ მიმავალი გზა.  
 ბავშვები ხატავენ ცხოველებს, მზეს, ყვავილებს...ხატავენ მთელი ემოციით, ჭრელა-ჭრულა ფერებით...  
 უცებ, მასწავლებლის ყურადღება ერთმა უცნაურმა ნახატმა მიიპყრო. ნახატი მხოლოდ შავი ფერით იყო შესრულებული. დიდი გოგო და მისკენ მიმართული პატარა გოგონა.  
 -რა ლამაზია, აქ მგონი შენ და შენი დედიკო ხართ, არა? - აღერსით გადაუსვა თავზე ხელი მასწავლებელმა.  
 -არა! აქ მე საერთოდ არ ვარ! - ჯიუტად, გაბრაზებით თქვა გოგონამ.  
 -აბა, ეს ვინ არის? - ჩაეძია მასწავლებელი.  
 - დედიკო ეს პატარა გოგოა, დიდი კი მისი სამსახური - ტირილით

ჩაილაპარაკა პატარამ და თვალცრემლიანი მთელი გრძნობით ჩაეხუტა მასწავლებელს.  
 ეს არ იყო ჩვეულებრივი ჩახუტება! ამ ძლიერმა გრძნობამ, ამ მხურვალე სითბომ, გადააწყვეტინა ხათუნა მასწავლებელს რომ მუდამ ბავშვების გვერდით ყოფილიყო. თითქოს მის თვალწინ გაიჩინა განვლილი 33-მა წელიწადი. - აქამდე სად ვიყავი, როცა ბავშვებს ასე ძალიან ვჭირდებო- ჩაილაპარაკა და პატარა გოგონას ცრემლიანი თვალები დაუკოცნა.  
**პატარა დედაჩემია, დიდი კი მისი სამსახური**, -ამ სიტყვებმა გადააწყვეტინა ქალბატონ ხათუნას რომ **თავისი ცხოვრება ბავშვებისთვის მიეძღვნა. რათა დედებს მონატრებული პატარებისთვის სითბო და სიყვარული ეჩუქებინა.**  
 და აი, უკვე 22 წელია რაც ქალბატონი ხათუნა მაისურაძე



ბავშვებს საკუთარი ემოციების ფურცლებზე გადატანას ასწავლის. დღეს ის მშობლიურ სკოლაში, ქალაქ თბილისის 30-ე საჯარო სკოლაში მოღვაწეობს. - კარგი მეგობარი, კარგი მასწავლებელი, კარგი დედა და მეუღლე - ასე ახასიათებენ ქალბატონ ხათუნა მაისურაძეს მისი ნაცნობ-მეგობრები. **შუუფასებელია მისი ღვაწლი ერისა და ბერის წინაშე, რადგან ის საუკეთესო ხატმწერიცაა. მისმა დაწერილმა ხატებმა უამრავ ტაძრებში დაიდო ბინა. ქალბატონი ხათუნა კი ყველა ხატს სამშობლოსა და ბავშვების კეთილდღეობას ავედრებს.**

## ხათუნა მასწავლებლის შემოქმედებითი სამყარო



# დამსახურებული მასწავლებელი, რომელიც სოფელმა დეპუტატად აირჩია

ქობულეთის მუნიციპალიტეტის სოფელ ციხისძირის საჯარო სკოლას საზოგადოება უკვე იცნობს, რადგან ის ყოველთვის გამოირჩევა თავისი კრეატიულობით, მონდომებითა და სწავლის ხარისხით. ამბობენ, ორგანიზაცია დირექტორის სახეს წარმოადგენს და სწორედ ამ ფრაზამ მიგვიყვანა ბატონ **რამინ ხინიკაძესთან**.

არც შევძვარვართ, რადგან ბატონ რამინის მიზანია თანამედროვე, ინოვაციური და მოსწავლეზე ორიენტირებული სკოლის წარმოდგენა. მას უნდა, რომ სკოლაში მოსწავლეს ჰქონდეს განვითარების შესაძლებლობა. სკოლა უნდა იყოს ადგილი, სადაც მოსწავლემ მხოლოდ ცოდნა კი არა, არამედ და ადამიანური ღირებულებები უნდა შეისწავლოს.

მისთვის საზოგადოების განვითარება ყოველთვის დაკავშირებულია განათლებასთან, შრომასთან და პასუხისმგებლობასთან. სწორედ ამ ღირებულებებზე ააშენა ბატონმა რამინმა პროფესიული და პიროვნული გზა, რომელიც აერთიანებს პედაგოგიურ საქმიანობას, ლიდერობასა და საზოგადოებრივ ჩართულობას.

ის ყოველთვის ზრუნავს სასწავლო გარემოს გაუმჯობესებაზე და პედაგოგთა პროფესიულ განვითარებაზე. ბატონი რამინი არის კარგი მამა, მასწავლებელი, მეურლე და მეგობარი. სწორედ ამიტომ, 2025 წელს სოფელ ციხისძირის მოსახლეობამ ნდობა გამოუცხადა და საკრებულოში სოფლის მაჟორიტარ დეპუტატად აირჩია. ბატონი რამინისთვის ეს უდიდესი პასუხისმგებლობაა და ის აქტიურად ცდილობს სოფლის განვითარებაზე, განათლებასა და სოციალური საკითხების გადარწყვებაზე.



სწორედ ასეთი ადამიანები უნდა ხდებოდნენ ხიდნი მოსახლეობასა და ადგილობრივ ხელისუფლებას შორის.

ჩვენ, შემოქმედ პედაგოგთა აკადემიის წევრებიც ვუერთდებით ბატონ რამინის კოლეგების სიხარულს და წარმატებებს ვუსურვებთ მას!


**გ ვ ე ა მ ა ყ ე ბ ი თ !**

## კინო-კლუბი შუახევის მუნიციპალიტეტის, სოფელ ტაკიძეების საჯარო სკოლაში

ყველა სკოლის ერთ-ერთი მთავარი ამოცანა მოსწავლეებისთვის სასურველი გარემოს სივრცის შექმნაა. სივრცე სადაც მოსწავლეები თავს კომფორტულად და ბედნიერად გრძნობენ. სწორედ ასეთი ბედნიერი სამყარო შექმნა ქალბატონმა შუმანა ტარიელაძემ სოფელ ტაკიძეების საჯარო სკოლაში. ჯერ კიდევ, 2020 წელს მან Noosfera Foundation-ის დახმარებით, სკოლაში დააარსა კინო-კლუბი. ფონდი Noosfera Foundation-ი უკვე 10 წელზე მეტია ცდილობს წვლილი შეიტანოს განათლების მიმართულებით დოკუმენტური კინოს წარმოებაში. ფონდი აწყობს კინო-ჩვენებებს, ტრენინგებსა და CinéDOC-Tbilisi-ს - საერთაშორისო დოკუმენტურ კინოფესტივალს საქართველოში. გარდა ამისა, ორგანიზაცია ხელს უწყობს სამოქალაქო საზოგადოების განვითარებას. ისეთ თემებზე აწყობს კინოჩვენებებს, როგორებიცაა: ადამიანის უფლებები, ეკოლოგიური პრობლემები, გენდერული საკითხები და ა.შ. სკოლის ადმინისტრაციის მხარდაჭერის საფუძველზე და ქალბატონ შუმანას ძალისხმევით სკოლაში ფუნქციონირებს სასკოლო კინო-კლუბი „CineDOC აპოლონი აჭარა“.



კლუბში განვითარებულია სკოლის ყველა მოსწავლე. CineDOC სკოლას აქვს თავისი პლატფორმა, ჰყავთ ფსიქოლოგი, სადაც სპეციალურად ბავშვებისთვის ასაკის შესაბამისად შერჩეულია დოკუმენტური ფილმები და ანიმაციები ხვადასხვა თემატიკით: ბავშვთა შრომითი უფლებების დარღვევა; ნაადრევი ქორწინება; პანდემიით გამოწვეული პრობლემები; შშმ და სსმ პირების მიზანდასახულობა; მეგობრობა; ომი; სხვადასხვა დაავადებებთან გამკლავება და ა.შ. თითქმის ყველა ფილმი პრობლემაზე ორიენტირებულია. კინო-კლუბის წევრებს აქვთ კინო-ჩვენებები, ფილმების გარჩევა. ადგენენ გეგმებს და მართავენ დისკუსიას. მოსწავლეები პოულობენ ფილმის იდეას, პრობლემებს, ეძებენ გადაჭრის გზებს. პროექტის ხელმძღვანელების დახმარებით ისწავლეს გახმოვანების ეტაპები, შეიძინეს აპარატურა და მოიძიეს ისეთი პარტნიორები, რომლებიც ხელს უწყობენ კინოკლუბების პოპულარიზაციას. თანდათანობით მოსწავლეებში გაჩნდა დოკუმენტური ფილმებისადმი სიყვარული, ზოგს რეჟისორობა მოუნდა, ზოგს მსახიობობა. ერთხელ, ქართული ენის გაკვეთილზე ისწავლეს მოთხრობა მიტოვებულ სახლზე, რამაც მოსწავლეებს გული აუჩუყა. კლასში იყო ეკომიგრანტი გოგონა, რომლის სახლიც დაიმეცურა და დროებით სხვა სახლში გადავადნენ საცხოვრებლად. ბავშვებს გაუჩნდათ სურვილი გაყოლოდნენ გოგონას და მიტოვებულისა ხლი მოენახულებინათ. ასე დაიბადა ფილმის შექმნის იდეა. იდეა კი საქმედ იქცა და მშვენიერი ფილმი გამოვიდათ. პრემიერა საყვარელ სკოლაში შედგა. იმედი გვაქვს რომ საზოგადოება მალე იხილავს კინო-კლუბის მიერ გადამღებულ ფილმს და სხვა სკოლებიც აქტიურად ჩაერთვებიან ამ დიდებულ საქმეში.



**შუმანა ტარიელაძე**  
დაწყებითი კლასების მენტორი მასწავლებელი

- კინოფილმებით სწავლება ხელს უწყობს სწავლა-სწავლების მიზნებისა და ამოცანების განხორციელებას:
- ანალიტიკური და კრიტიკული აზროვნება;
  - შემოქმედებითი უნარები;
  - ურთიერთობების დამყარება;
  - პრობლემის იდენტიფიცირება და გადაჭრა;
  - ტრანსფერ;
  - როლების გადანაწილება...
- მოსწავლეებმა შეიყვარეს დოკუმენტური ფილმები. მათ გაუჩნდათ სურვილი დაეუფლონ კინოხელოვნებას და მიღებული ცოდნა-გამოცდილების საფუძველზე ჩამოყალიბდნენ თავისუფალ მოქალაქეებად.



**შევაგროვოთ ვარსკვლავები**

კონკურსში მონაწილეობა შეუძლიათ მხოლოდ თანაკლასელთა გუნდებს, რომლებიც სწავლობენ საქართველოს სახელმწიფო ან კერძო სკოლის I-IV კლასებში და მათ კაპიტნებს წარმოადგენენ კლასის დამრიგებლები.

დაგვიკავშირდით:  
**550051640**

### ჩართეთ კონკურსში „გახდი ბეჭითი“ კონკურსი დაყოფილია 3 ეტაპად:

**I ეტაპი: რეგისტრაცია.**

რეგისტრაციის მთავარი პირობაა, რომ კლასი მთელი სასწავლო წლის II სემესტრის განმავლობაში აწარმოებდეს დღიურს: „შევაგროვოთ ვარსკვლავები“ და ჰქონდეთ მაღალი აკადემიური მოსწრება.

**II ეტაპი: გუნდის შექმნა**

შეგროვილი ვარსკვლავების მიხედვით, კლასის დამრიგებელი ქმნის საკონკურსო გუნდს, რომელიც შედგება შვიდი მოსწავლისგან. (მონაწილეობისთვის გადამწყვეტია შეგროვილი ვარსკვლავების რაოდენობა).

**III ეტაპი: კონკურსი**

საკონკურსო გუნდმა უნდა წარმოადგინოს გუნდის სახელი, ლოგო, დევიზი და ფორმა. კონკურსი ჩატარდება კლასების მიხედვით. წარმოდგენილი იქნება ასაკობრივად შერჩეული 30 კრეატიული შეკითხვა.

**შევაგროვოთ ვარსკვლავები**

ჩაგარილი ბეჭითი ფილი

სკოლა

კონკურსი ჩატარდება ამა წლის 10-20 მაისს, ხოლო გამარჯვებული გუნდი დაჯილდოვდება საზეიმო ვითარებაში საქართველოს დამოუკიდებლობის დღეს, 26 მაისს.

# ხმათა ხავერდების და ღმერთების ენა



**მაკა მალრაძე**  
ქართული ენისა და ლიტერატურის მასწავლებელი

საკუთარ განმავლობაში ღვთით კურთხეულმა ქართულმა ენამ გამოიარა საკმაოდ რთული გზა. ქართველებისთვის ქართული დედაენაა, დედაბოძია, დედა- სვეტია, დედაბუნებაა, დედასამშობლოა...

ნიკობის „დედაენის“, „ვეფხისტყაოსნის“, ილიას „აკაკის, ვაჟას შესწავლის შემდეგ აცნობიერებ, რომ იგი ყველა ქართველის დედაენაცაა, ეროვნულია, სამწერლობოა, კულტურულია...

როგორ მოვიდა? რა გზა გამოიარა? როგორია დღეს? - ეს კითხვები ყველა ქართველს უნდა ანუხებდეს, მაგრამ ადეკვატური პასუხების მოსმენა და მიღება მასწავლებლების პროფესიონალიზმზე და მოტივაციას უნდა დაეხმოს. მთავარია პედაგოგისთვის სურვილი და შინაგანი მოტივაცია ჩასწავლეს მოსწავლის სულიერ სამყაროს, მის ინტერესებს, მის სწავლებას და უკუკავშირის აუცილებლად იქნება ყველაზე გულწრფელი, ობიექტური და ადეკვატური.

**მასწავლებლობა უარესად კეთილშობილური პროფესიაა, რომლის წარმატებას განაპირობებს მშრომისმოყვარეობა, საქმისა და მოსწავლეების სიყვარული.**

**კედოგოგობა მოიპოვებს განვითარების უწყვეტ პროცესს, მუდმივ სწავლას სიახლეებისაკენ. როცა ამ გზაზე დგები უნდა გავროდეს საკუთარი თავის და გეამაყებოდეს შენი მასწავლებლობა!**

კავშვებს ქართული ლიტერატურა რომ შეაყვარო, პირველ რიგში, ჯანსაღი გარემო შექმნა საჭირო.

ბავშვებს უნდა აუხსნა, რომ ლიტერატურა თავისუფლებაა და ტექსტის ინტერპრეტაცია იმდენი შეიძლება არსებობდეს, რამდენიც მკითხველია. მასწავლებელი მოსწავლეებს უნდა აცნობდეს როგორც კრიტიკოსთა, ასევე თავის შეხედულებებს, მაგრამ არასდროს არ უნდა მოახვიოს მათ თავზე საყოველთაოდ გავრცელებული მოსაზრებები. ასეთი მიდგომა ბავშვებს შეაყვარებს ლიტერატურას და ამავდროულად არ ექნებათ საკუთარი აზრის გამოთქმის შიში. ქართული ენისა და ლიტერატურის მასწავლებლისათვის პრიორიტეტული უნდა იყოს მოსწავლის თავისუფალი აზროვნება, ხოლო იმისთვის რომ მშობლიური ენა შეაყვარო, გაკვეთილები არ უნდა იყოს სტანდარტული ან მოძველებული სტილი. გამოყენებული უნდა იყოს ინოვაციური მეთოდები, თამაშები, დისკუსიები, ჯგუფური მუშაობები და სხვადასხვა სახის თემატური პროექტები, ასევე საინტერესო იქნება შეხვედრები თანამედროვე მწერლებთან და პოეტებთან.

სკოლებში უნდა ჩამოყალიბდეს „ნიგნის კითხვის კლუბი“, სადაც მოსწავლეებს საშუალება ექნებათ ერთმანეთს გაუზიარონ შთაბეჭდილებები წაკითხული ნიგნის შესახებ. რაც შეეხება ქართული ლიტერატურის სასწავლო პროგრამას, სასურველი იქნება, რომ კლასიკოსი მწერლების გვერდით უფრო მეტი ადგილი დაეთმოს თანამედროვე მწერლების ნაწარმოებებსაც, რათა მოსწავლეებს საშუალება მიეცეთ თვალის მიადევნონ თანამედროვე მწერლების, (მაგ: აკა მორჩილაძის, დათო ტურაშვილის, ბესიკ ხარანაულის, ლია სტურუასა და სხვათა) შემოქმედებას. საპროგრამო მასალის შესწავლის შემდეგ მიცემული შემაჯამებელი დავალება უნდა იყოს მრავალფეროვანი და არ უნდა იფარგლებოდეს იგი მხოლოდ ტესტების სახით.

XXI საუკუნის ახალგაზრდა თაობისთვის მნიშვნელოვანია ეროვნული თვითშეგნების ამაღლება, რადგან მხოლოდ ქართულ ენასა და მართლმადიდებლობას შეუძლია საქართველოს გადარჩენა. ამიტომ მუდამ გვახსოვდეს ილია ჭავჭავაძის სიტყვები:

**„სამი ღვთაებრივი საუნჯე დაგვრჩა მამა-პაპათაგან: მამული, ენა და სარწმუნოება. თუ ამათაც ვერ ვუპატრონეთ რა კაცები ვიქნებით, რა პასუხს გავცემთ შთამომავლობას?“**

**„ქართული მარტო ენაა?!- ქართული ქართველთ რწმენაა! ღმერთია! ბედისწერაა! ზღვა როა!- იმოდენაა!“**

## სოციალურ-ემოციური უნარების განვითარება

**თამუნა ხიზანიშვილი**  
შემოქმედ პედაგოგთა ასოციაციის დამფუძნებელი

სოციალურ-ემოციური უნარების განვითარება 6-დან 10 წლამდე ასაკში გადამწყვეტ როლს თამაშობს ბავშვის პიროვნებად ჩამოყალიბებაში.

ამ პერიოდში ბავშვები გადიან გარდამავალ ეტაპს: ისინი ტოვებენ ადრეული ბავშვობის „ეგოცენტრულ“ სამყაროს და იწყებენ სხვებთან ურთიერთობის, მეგობრობისა და საკუთარი ემოციების მართვის რთული ხელოვნების სწავლას.

**მოდით, დავხმაროთ ბავშვებს ამ რთული გზის გავლაში!**

### 1. ემოციური თვითცნობიერება: „რას ვგრძნობ მე?“

6-10 წლის ბავშვს უკვე შეუძლია გააცნობიეროს, რომ ერთი და იგივე მოვლენა (მაგალითად, საკონტროლო წერა) ერთდროულად იწვევს შიშს და ინტერესსაც.

- ემოციების ლექსიკონი: ამ დროს ბავშვი იტყვის რაიმეს და იმეორებს, რომ ცუდად არის. თქვენ უნდა დაეხმაროთ ბავშვს, რომ გამოიყენოს უფრო ზუსტი სიტყვები. ასწავლეთ თქვენ: „იმედგაცრუებული ვარ“, „დაბნეული ვარ“ ან „მეწყინა“.
- ემოციების ვალიდაცია: არასოდეს უთხრათ „აქ სატირალი რა არის“. ამის ნაცვლად გამოიყენეთ ფრაზა: „მეწყინა, რომ ახლა ბრაზობ, რადგან თამაში წავეგ. ეს ნორმალურია“.

### 2. თვითრეგულაცია: როგორ დავშვიდდეთ?

ემოციის გაცნობიერების შემდეგ, ბავშვმა უნდა იხსნას მისი ბრაზი, რათა იმპულსურმა ქცევამ წინაში არ მოაყენოს მას ან სხვებზე.

- „სტოპ-სიგნალი“ ტექნიკა: ასწავლეთ ბავშვს, რომ როდესაც ძლიერ ემოციას გრძობს, ვერ გარჩერდეს, ღრმად ისუნთქოს და მხოლოდ ამის შემდეგ იმოქმედოს.
- უსაფრთხო სიტყვები: შექმენით სახლში კუთხე, სადაც ბავშვს შეუძლია განმარტოვდეს, როცა გადაღლილია ან გაღიზიანებული.

### 3. ემპათია და სოციალური უნარები

ამ ასაკში ბავშვებისთვის მეგობრობა უმნიშვნელოვანესი ხდება. ემპათია არის უნარი, გაიგო სხვისი მდგომარეობა.

- პერსპექტივის დანახვა: კითხვისას ან ფილმის კერძო სცენისას აკითხეთ: „შენი აზრით, რას გრძობს ახლა ეს პერსონაჟი?“ ან „შენ როგორ მოიტყუოდი მის ადგილას?“.
- კონფლიქტების მოგვარება: ასწავლეთ „მე-შეტყობინებების“ გამოყენება. მაგალითად: „მე შეწყინა, როცა ჩემს ნივთებს დაუკითხავად იღებ“ ნაცვლად იმისა, რომ თქვას „შენ ყოველთვის იპარავ ჩემს ნივთებს“.

### 4. პასუხისმგებლობა და გადაწყვეტილების მიღება

სოციალურ-ემოციური განვითარება მოიცავს საკუთარ ქმედებებზე პასუხისმგებლობის აღებასაც.

- არჩევანის თავისუფლება: მიეცეთ ბავშვს საშუალება, თავად მიიღოს მცირე გადაწყვეტილებები (მაგალითად, რა ჩაცმის ან რომელი წიგნი აირჩიოს). ეს უვითარებს ავტონომიის განცდას.
- შეცდომა, როგორც გაკვეთილი: ასწავლეთ, რომ შეცდომა არ არის კატასტროფა, არამედ სწავლის პროცესის ჩვეულებრივი ნაწილი.

**ბავშვები ყველაზე მეტს ჩვენი მაგალითით სწავლობენ. თუ თქვენ თავად გამოხატავთ ემოციებს ჯანსაღად და პატივს სცემთ სხვის საზღვრებს, ბავშვი ამ მოდელს ავტომატურად აუცილებლად აითვისებს!**

### როგორ განვითაროთ მეტყველება 5-7 წლის ბავშვებში

ლოგოპედიკური მეტყველების განვითარება მიმდინარეობს ეტაპობრივად და სისტემატურად. ჩვენი მიზანია ხომ ბავშვის გამართული, გასაგებ და თავდაუზღოვებელი მეტყველება. ჩვენ თუ გვიჩნია, რომ ჩვენი შრომა შედეგადად იყოს, ბავშვთან უნდა ვიმუშაოთ რეგულარულად, თამაშითა და პოზიტიური მოტივაციით. უკომბესა ჩვეულებრივ მოტივაციით. ამიტომ ვთავაზობთ რამოდენიმე მეთოდსა და საცავს.

**ლოგოპედიკური გაკვეთის სტრუქტურა არ უნდა აღმატდეს 30-35 წუთს:**

1. არტიკულაციური ვარჯიში - 5 წუთი
2. მეტყველება - 10 წუთი
3. სიტყვები და წინადადებები - 10 წუთი
4. თამაშები და თხრობა - 5-10 წუთი

#### I. არტიკულაციური აპარატის განვითარება

ამ დროს განვითარებული უნდა იყოს, ცუდად ყანა და სუნთქვა, ამიტომ რეკომენდებულია შემდეგი ვარჯიშები:

- ღლილი „თუ“-ს წარმოთქმა
- ენის გამოყოფა და მოძრაობა
- ცხენის ფლოკების ტაკეანი
- სახლის ჩაქრობა

#### II. ბგერების ჩამოყალიბება და ავტომატიზაცია

მიმდევრობის დაცვით ვინცერთ შემდეგ მუშაობას:

ბგერა → მარცვლი → სიტყვა → წინადადება → საუბარი

#### III. ფონემატური განვითარება

ვარჯიშები:

- რა ბგერით იწყება სიტყვა
- სწორია თუ არა?
- მსგავსი ბგერების გარჩევა (ს-შ, რ-ლ)

#### IV. ლექსიკური მარაგის განვითარება

- თემატური სიტყვები
- სინონიმები და ანტონიმები

აქტიუობა: ერთ თემაზე მაქსიმალური სიტყვების დასახელება

#### V. გრამატიკული სტრუქტურების განვითარება

- მრავლობითი რიცხვი
- ბრუნვები

ვარჯიში: ვინ? რას აკეთებს? სად?

#### VI. თხრობითი და დიალოგური მეტყველება

- სურათის მიხედვით ამბის მოყოლა
- ზღაპრის გარქმელება
- როლური დიალოგები

## მოვებმადოთ სკოლისათვის

WWW.KLASOBANA.EDU.GE

**„კლასობანა“**  
ვითარებთ

- სწავლას თამაშითა და კეთილად.
- დავალებების მარტივად შესრულების მეთოდებს.
- საინტერესო, თბილ და უსაფრთხო გარემოს.

**დარეკეთ დღესვე:**  
593-90-14-80

მე-12 საჯარო სკოლა აკვიძის პარკთან

## სასკოლო მზაობის ჯგუფებში ყველა პირობაა შექმნილი თქვენი შვილების განვითარებისთვის.

ეტაპობრივად მიმდინარეობს ტრენინგი დედიკოებისთვის. დანვრილებითი ინფორმაციის მისაღებად დარეკეთ ნომერზე 593.90.14.80

## თუ თქვენი შვილი წელს მიდის სკოლაში, სასწრაფოდ დაარეგისტრირეთ სასკოლო მზაობის ჯგუფში

1. სწავლება კეთილად და თამაშით!
2. მოტივაციის მეშვეობით სასწავლო მზაობა გარემოში!
3. სასკოლო დავალებები ალერსებით სტრესის!

**დარეგისტრირდი დღესვე!**

მე-12 საჯარო სკოლა აკვიძის პარკთან #25 593 90 14 80

## დაეხმარეთ პატარებს პროფესიის არჩევაში. გთავაზობთ ტესტს, რომელიც დაეხმარებათ მოსწავლეებს სავარაუდო უნარების მიგნებაში.

**ჩემი მომავალი პროფესია**  
6-12 წლის ბავშვისათვის

გვიდასტურებთ, რომ ჩვენი ტესტი მხოლოდ ინფორმაციას აწვდის და არ უნდა იყოს განმარტოვებული.

1. რომელი თამაში მოწონებს ყველაზე მეტად?  
A) ბურთბრუნა  
B) თამბაქო  
C) სატანკო  
D) კონსტრუქციის თამაში
2. სკოლაში რომელი საგანი გეწონის?  
A) ქართული  
B) მათემატიკა  
C) ხელოვნება  
D) მუსიკა
3. როგორ იქნებოდა, როცა პროფესია გქონებოდა?  
A) სხვებს უკითხავი  
B) დროს და იდილი  
C) ახალ დედას იყობდი  
D) დიდხანს დიდხანს განსწავლავდი
4. როგორი ხარ მეგობრებთან?  
A) მზრუნველი  
B) კეთილი  
C) მხარდობი  
D) დიდი
5. რას აკეთებ საშობლოდ?  
A) სწავლი  
B) კომპიუტერზე მუშაობ  
C) ხატავ  
D) დამამუშავებ ნივთებს აკეთებ
6. რომელი სხვა მოწონებს?  
A) დახატვა  
B) აზროვნება  
C) დანერგვა  
D) მოქმედება
7. ბავშვების თამაშის დროს შენ ხარ:  
A) ლიდერი  
B) დახმარებელი  
C) გამოხმარებული  
D) შემარტული
8. რისი გაცემის გეწონის დაგეგმვა?  
A) საკვები  
B) კონფი  
C) სახლი  
D) საბურთა
9. რას ატყებ შენი უფროსები?  
A) სიკეთე  
B) ჭკაპი  
C) კრატები  
D) უფროსები
10. შენ ფიქრობ რას აირჩევდი?  
A) მანქანადრისა  
B) პროფესორისა  
C) დანერგვის  
D) შემოქმედისა

გვიდასტურებთ, რომ ჩვენი ტესტი მხოლოდ ინფორმაციას აწვდის და არ უნდა იყოს განმარტოვებული.

მე-12 საჯარო სკოლა აკვიძის პარკთან



# SCRATCH-ის სწავლება მოსწავლეების მოტივაციის ასამაღლებლად.

თანამედროვე ციფრული სამყარო სწრაფი ტემპით ვითარდება და კომპიუტერული ტექნოლოგიები ყოველდღიური ცხოვრების განუყოფელ ნაწილად იქცა. კომპიუტერული ტექნოლოგიების სწავლება აღარ ნიშნავს მხოლოდ ტექნიკური უნარების გამომუშავებას; იგი გულისხმობს კრიტიკული აზროვნების, პრობლემების გადაჭრის, ლოგიკური მსჯელობისა და შემოქმედებითი უნარების განვითარებას.

ციფრულ ეპოქაში მოსწავლეები არა მხოლოდ ტექნოლოგიის მომხმარებლები, არამედ მისი შემქმნელებიც უნდა გახდნენ. პროგრამირება ხელს უწყობს ალგორითმული აზროვნების ჩამოყალიბებას, რაც მნიშვნელოვანი ნებისმიერი პროფესიისთვის. ამ პროცესში განსაკუთრებული მნიშვნელობა აქვს ვიზუალური დაპროგრამების ენების გამოყენებას, განსაკუთრებით Scratch-ის.

Scratch არის მოსწავლეებზე ორიენტირებული, ინტუიციური გარემო, რომელიც პროგრამირების სწავლებას ხდის მარტივს, სახალისოსა და ხელმისაწვდომს. მისი მთავარი უპირატესობა არის ის, რომ მოსწავლეები პროგრამას

ქმნიან ბლოკების აწყობის გზით, რაც ამცირებს ტექნიკურ სირთულეებს და ყურადღებას ამახვილებს ლოგიკაზე, იდეასა და შემოქმედებით პროცესზე. Scratch-ის სწავლება დადებითად მოქმედებს მოსწავლეების მოტივაციაზე. ისინი ქმნიან ანიმაციებს, თამაშებსა და ინტერაქტიულ ისტორიებს, რაც სწავლებას პრაქტიკულ და საინტერესო პროცესად აქცევს. ამგვარი სწავლება აერთიანებს ტექნოლოგიას ხელოვნებასთან, მათემატიკასთან და ენებთან, რაც უწყობს ხელს ინტერდისციპლინურ განვითარებას. Scratch-ი ასევე ავითარებს მოსწავლეთა თანამშრომლობითი უნარ-ჩვევებს: მოსწავლეები აზიარებენ პროექტებს,

აფასებენ ერთმანეთის ნამუშევრებს და სწავლობენ გუნდურ მუშაობას. ადრეულ ასაკში მიღებული ეს გამოცდილება ქმნის საფუძველს მომავალში ტექსტურ პროგრამირების ენებზე გადასასვლელად. შედეგად, მოსწავლეები იღებენ არა მხოლოდ ტექნიკურ ცოდნას, არამედ თვითგამოხატვის, კვლევის და ინოვაციური აზროვნების უნარს. კომპიუტერული ტექნოლოგიების ინტეგრირება ზოგადსაგანმანათლებლო პროცესში და ვიზუალური დაპროგრამების გარემოს - Scratch-ის - გამოყენება წარმოადგენს თანამედროვე განათლების მნიშვნელოვან პედაგოგიკურ საფუძველს.



სოფია შენგელია

კომპიუტერული ტექნოლოგიების ნამყვანი მასწავლებელი

Scratch-ის - გამოყენება ხელს უწყობს მოსწავლეებში ალგორითმული აზროვნების, ციფრული კომპეტენციებისა და შემოქმედებითი თვითგამოხატვის განვითარებას.

## ზღაპარ იუმ, ზღაპარ იუმ...



2023 წლის 20 მაისს დასრულდა შემოქმედ პედაგოგთა აკადემიის მიერ გამოცხადებული კონკურსი „ზღაპარ იუმ, ზღაპარ იუმ...“ კონკურსის მიზანია იუმ პატარა მწერლების აღმოჩენა და საზოგადოებისთვის გაცნობა. ჩვენი ჟურნალის ყოველ ნომერში ვიწყებთ გამარჯვებული პატარა მწერლების გაცნობას.



**მიხელ ჯავახიძე.**  
აქტიური, ცნობისმოყვარე და ენერგიული. უყვარს წერა, მხატვრული ლიტერატურის კითხვა, მუსიკა. უკრავს ფორტეპიანოსა და ვიოლინოზე. პატარაობიდანვე იგონებს და წერს ზღაპრებსა და პატარა მოთხრობებს.

გაგაცნობთ ქალაქ რუსთავის, გალაქტიონ ტაბიძის სახელობის მე-5 საჯარო სკოლის აქტიურ მასწავლებელსა და მოსწავლეს.

# მიშო და ბუძგი



**ნანა კუჭუხიძე**  
ქართული ენის ლიტერატურისა და ბუნებისმცოდნეობის მასწავლებელი. უყვარს ბავშვებთან მუშაობა, ცდილობს სკოლაში შექმნას ისეთი გარემო, სადაც სწავლა საინტერესო და მნიშვნელოვანი იქნება.

ერთხელ, როცა ჩიტები თბილ ქვეყნებში გაფრინდნენ, დედამიწამ კი თოვლის თეთრი საბანი გადაიფარა, ცხოველებმა ბუნაგები და-ითბუნეს და გრძელ და ჭრელ სიზმრებს მისცეს თავი. ტყეში, ერთი პატარა ნაძვის ხის ძირში, სოროდან პატარა ზღარბუნია გამოყო ცხვირი. რაღაც თვალისმომჭრელმა სინათლემ გამოაღვიძა. კარისკენ გაიხედა და უცნაური მიწა დაინახა. დაინტერესდა, ფრთხილად აეცალა დედის ეკლებიან ზურგს და გამოცუნცულდა... თოვლი არასდროს ენახა, ჯერ ენა აუსვა და მოეწონა. ნაყინის გემო ჰქონდა, მერე დაგორგალდა, დამრგვალდა და სულ გორიალ-გორიალით დაეშვა გაუკვალავ დაღმართზე. ცოტა ხანს ითამაშა, ირბინა, მერე აბუზულ ბელურებს გამოელაპარაკა და სახლისკენ რომ დააპირა წასვლა, მაგრამ გზა ვეღარ იცნო საწყალმა. ძალიან შეეშინდა, მოიბუზა და თავის ეკლებიან ქურქში შეიმალა. ერთ ხანს ასე იყო, მერე მობეზრდა და ცხვირი გამოყო, მერე სულ გასწორდა და გადაწყვიტა სახლის გზა მოეძებნა.

- უცბად თავს წაადგა ლოყაწითელა, ფუმფულაქუდიანი პატარა ბიჭი.
- ეე, დიდი წაბლი! - შეჰყვირა ბიჭმა. ალება სცადა, მაგრამ ჩხვლეტია ეკლები პატარა ხელებში შეერჭო და მაშინვე ხელი გაუშვა.
- ნეტავ რა არის? - მერე გაახსენდა ზღაპრების წიგნში ნანახი ზღარბი. ბიჭმა ჯოხი მოძებნა, ზღარბი გადააბრუნა და გაკვირვებით წამოიძახა. - ვაშლი რატომ არ აქვს ზურგზე?!
- ამასობაში ზღარბუნისაც მობეზრდა აქეთ-იქით კოტრიალი, ცხვირ-პირი გამოყო ეკლებიდან და ბიჭს ასძახა:
- რა ვაშლი, სულაც არ მიყვარს ვაშლი!
- ბიჭმა ზღარბის სიტყვები რომ გაიგონა, გაკვირვებისაგან გაოგნდა და თოვლზე დავარდა.
- როგორ, შენ ლაპარაკობ?!
- ზღარბუნია სწრაფად შემოურბინა გარშემო გაოცებულ ბიჭს, დარწმუნდა, რომ ბიჭი არაფერს დაუშავებდა და უპასუხა:
- დიახ, ყველა ზღარბი ლაპარაკობს! ბიჭი წამოდგა, თოვლი ჩამოიბერტყა და ზღარბს გაეცნო:
- მიშო მქვია და თუ გინდა, ვიმეგობროთ!
- მე ზღარბუნია ვარ, დედა ბუძგს მემახის მოფერებით. ვიმეგობროთ! - უპასუხა ზღარბმა.

ცოტა ხანს იგუნდავეს, თოვლში ირბინეს და რომ დაილაღნენ. ზღარბუნია ბუძგმა ტირილი დაიწყო. ძლივს ამოღერდა - დავიკარგეო - პატარა მიშო ხომ გმირი იყო, გადაწყვიტა ზღარბუნის დახმარებოდა და დედასთან დაებრუნებინა. ბუძგს მხოლოდ ის ახსოვდა, რომ დიდი ნაძვის ძირში ცხოვრობდა.

მიშო და ბუმბი ტყეს აღმა-დაღმა აუყვნენ. ამასობაში დაღამდა. ცოტა იარეს თუ ბევრი, უცბად მათ თვალწინ კაშკაშა სინათლე გადაიშალა. გაჩახახახებულ ნაძვის ხეს უამრავი სათამაშო ამშვენებდა და მის წვერზე ვარსკვლავი ბრწყინავდა. ირგვლივ ისმოდა ალილო და მხიარული შეძახილები.

- დღეს შობაა, შობა!- ზეიმობდნენ ტყის ბინადრები.

დედა ზღარბი კი გაჰყურებდა გზას და ქვითინებდა.

- ეს დღე ხომ სიხარულის, იმედის და სურვილების ასრულების დღეა, - ამშვიდებდნენ მეზობლები დედა ზღარბს. ამ დროს პატარა

ბუმბმა სინათლეზე დაღონებული დედა დაინახა და გახარებული ჩაეხუტა. თვალცრემლიანი დედა კოცნიდა და ეფერებოდა თავის ეკლე-ბიან შვილს. შობას ზეიმობდა მთელი სამყარო. მიშოს უხაროდა მეგობარს რომ დაეხმარა, დედა ზღარბს ზრდილობიანად მიესალმა და შობა მიულოცა. დიდხანს გაგრძელდა ზეიმი და მხიარულება. პატარა მიშომ მოიწყინა.

- მეც დროულად უნდა დავბრუნდე სახლში, თორემ დედაჩემიც იწერვილებს.

- დიდ თოვლში და სიბნელეში როგორ უნდა იარო, დარჩი ჩვენთან, ღამე აქ გაათიე და დილით გაგაცილებთო- უთხრა დედა

ზღარბმა. მიშო დათანხმდა, მაგრამ აი, საოცრება. მიშოს ზღარბების სოროში ფეხიც არ შეეცია. დედა ზღარბი ძლიერ შეწუხდა, სტუმარს რომ ვერ უმასპინძლა. შვილივით მიეფერა ბიჭს და უცებ სიხარულით წამოიძახა,

- ციყვი! ციყვს ვთხოვ და ღამეს ის გაგათევინებსო. იქვე, მუხის ხის ფულუროდან სინათლე გამოდიოდა. ის იყო ციყვი დასაძინებლად

ემზადებოდა, რომ ზღარბის ხმა შემოესმა.

- მეზობელო, ამ ბიჭს ღამეს ვერ გაათევინებ?

ციყვმა რომ მიშო დაინახა, უთხრა:

- შენ ხომ ის ბიჭი ხარ, შარშან მურასგან რომ მიხსენიო, - კუდზე

თათი გადაისვა და გაახსენდა ის დღე, მიშოს ბებოს ტომრიდან პარავდა.

თხილს რომ მაშინ მურამ კუდით დაითრია, მიშომ კი ოსტატურად

მოუქნია ჯოხი მურას და ციყვი გადაარჩინა.

- ჩქარა ამოდი, თხილს გაჭმევ და ცაცხვის ჩაის დაგაღვინებ, სულ

გაყინულხარო,- ჩამოსძახა ბიჭს კუდბუთქუნა ციყვუნამ.

მიშოც მოხერხებულად აძვრა ხის ტოტზე და ახლა ფეხი კი არა, ხელიც ძლივს შეეცია ფულუროში. დაღონდა ციყვუნია. ზღარბები, ციყვი და მიშო დათვის ბუნაგისაკენ გაემართნენ.

- ბაჯბაჯააა!- შესძახა დედა ზღარბმა,- გამოდი შე მძინარა, დახმარე-

ბა გვინდა და შენ თუ გვიშველიო. შეზანზარდა ბუნაგი და ზოზონით გამო-

ბაჯბაჯდა ყავისფერი, შავდრუნჩიანი და ძალიან ჩამრგვალებული დათვი. გაუკვირდა ერთად შეკრებილი მეზობლები რომ დაინახა. - ისევ იმ საძა-

გელმა კუდაგრძელა მელამ ხომ არ შეგაწუხათო?- მზრუნველობით იკითხა. მიშო რომ დაინახა, სულ მთლად გადაირია.- ნამდვილად ტყავი უნდა გამამ

როს, პაპამისის სკიდან თაფლი რომ ამოვჭამეო, მაგრამ რომ გაიგო ბიჭს დახ

მარება სჭირდებოდა, გული მიეცა და მეზობლებს შეჰპირდა მიშოს შინ წაყვა

ნას,დრუნჩამ შინ შეიპატიჟა მეზობლები. მიშო მშვენივრად შეეცია ბუნაგ-

ში, რომელიც მყუდროდ იყო მოწყობილი და ძალიან თბილოდა.დათვი ყველას

თაფლითა და თხილით გაუმასპინძლდა. დღეს ხომ შობაა სიკეთისა და სიყვარულის

დღე. გამასპინძლების შემდეგ დათუნია ბიჭს სახლისაკენ გაუძღვა. მიშოს აღარც

სიბნელისა ეშინოდა და აღარც სიცივისა, გვერდით ხომ ასეთი მეგობარი ჰყავდა. მთვარე ამოსულიყო და თოვლი ათასფრად

ბრწყყვიალებდა. სასიამოვნო იყო მთვარიან ღამეში ტყეში სეირნობა. მოაბი-

ჯებდნენ მიშო და დრუნჩა თოვლში. მიშო ფიქრობდა, როგორ მოუყვებოდა მეორე

დღეს მეგობრებს შობის ღამეს ტყეში გადახდენილ თავგადასავალზე. ერთი სული ჰქონდა, როდის დადგებოდა ახალი წელი, რომ ზღარბუნისათვის, კუდფუმფულა ციყვისათვის და დათუნია დრუნჩასათვის სახალწლო ნუგბარი მიერთმია და მათთან ერთად დრო მხიარულად გაეტარებინა.

**გ ა ა ე ე ხ ა დ ე თ !**

**მხატვარი: მარიამ ფომენკო 8 წლის**  
**მასწავლებელი: თეონა ლლონტი**  
**ქ.თბილისის სამხატვრო სასწავლებელი**

**შეიქმნა კლასობანა აკადემია**  
 აქვლია მასწავლებელი არის მზე, მთავარია ჩვენი მასწავლებლებმა, შევქმნით მასი ანთუნა!  
 www.klasobana.edu.ge

**კლასობანა**

**მთავარი რედაქტორი: თამუნა ხიზანიშვილი.**  
**რედ.კოლეგიის წევრები: თეკლა მარკოზაშვილი, დავით ნოდია, გვანცა კიკალაიშვილი, თეონა ბურჭულაძე, ავთანდილ მარკოზაშვილი**

**თუ გაქვთ საინტერესო მასალა და გსურთ**  
**ჟურნალთან თანამშრომლობა, დაგვიკავშირდით:**  
**+995 550 05 16 40**